

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. Israëlitæ contra Ægyptios, prodigiosè defensi.

urn:nbn:de:hbz:466:1-45653

Isaac iussit victimari, de quo tamen Abrahæ longam spopondit posteritatem.

Actum fuisset de Iacob, quando Laban, *assumtis fratribus suis*, persecutus est eum, diebus septem: & comprehendit eum, in monte Galaad; nisi vidisset Laban in somnis sibi dicentem Deum: caue, ne quidquam asperè loquaris contra Iacob. Longè fortior tunc erat Laban, & ad internecionem potuisse extinguerre Iacobum; sed deserto, ab ope humana, diuina succurrit manus. Qua de causa dixit Laban: *Nunc quidem valet manus mea reddere tibi malum:* sed Deus patris vestri heri dixit mihi: *Cave, ne loquaris contra Iacob quidquam durius.* Igitur, nesciente Iacob, caussam Iacob egit, Deus: quem, ut amicum, sic habuit & protectorem, etiam tunc, cum Esau in patriam reuertenti properauit in occursum, cum quadringentis viris. Nam timens Iacob, & se iterum multitudine inferiorem, remque humanitus desperatam videns, ad cælestē auxilium configiens, dixit: *Deus patris mei Abraham, & Deus patris mei Isaac: Domine qui dixisti mihi: Reuertere in terram tuam &c.* Erue me de manibus fratris mei Esau, quia valde eum timeo: ne forie veniens percutiat matrem, cum filiis. Sic orauit, & Angelum impetravit luctatorem, immō consolatorem ac dicentem: *Si contra Deum fortis fuisti, quanto magis contra homines praualebis?* Quia ergo, in periculis fratrum quog gratiarara, immō quia ab ipsis fratibus saepe periculum maximum existit, potuit Iacob haud absone illud usurpare: *Frater non redimit, redimet homo?* quid in meis famulis spei ponam, si frater ipse mihi est metuendus? Ergo configiam ad Deum & dicam: *Erue me de manibus fratris mei.* Quod & fecit Deus, nam Esau illi occurrente, succurrit.

Non contra vnum fratrem, sed contra multos eum occidere statuentes, adfuit Iosepho quoque benignus Dominus; cui & adfuit in ipso carcere, nec enim in vinculis dereliquit eum, cum ab omnibus hominibus derelinqueretur. O quam saepe homini homo est lupus, quem non solum in fluctibus deserit, sed etiam merrit! Quam saepe frater fit fratri, quod Romulus fuit Remo, quod Cain Abel? Utinam tunc crederetur, in celo superesse, qui brachium suum manūque auxiliatricem porrigeret vult in terram, dummodo sit, qui respiciat eam, nec frustra sinat extendi.

Mirabile exemplum est in Israëlitis ex Ægypto egressis usque ad mare rubrum, Ibi cum hinc montibus clauderentur, inde

VII.

Gen. 31. 23.

VIII.

Gen. 37.

Gen. 41.

IX.

truculentum æquor obstarerat, à tergo autem infesto exercitu Pha.
rao eos premeret; illiverò etiam hosti armis impares essent, neq;
nauibus traijcere pelagus possent, neque alas haberent, quibus
trans montes possent euolare, quid aliud, clamare, humano iudi-
cio, poterat populus, tot diuinorum prodigiorum oblitus, quām

Catull. de
Nupt. Pelei
& Thetidos.

*Siccine me Pharijs abductum, perfide, ab oris,
Perfide, deserto liquisti in littore, Moyses?
Nam quō me referam, quali ſpe perditus utar?
Non patet egressus pelagi cingentibus vndis.
Nulla fugae ratio, nulla ſpes: omnia muta:
Omnia ſunt deserta: oſtentant omnia lethum.*

Nam ferè adhunc modum locutus est & Pharao de Israëlitis, &
Israëlitæ de Pharaone. Ille dixit: *Coarctati ſunt in terra, concluſi
eos desertum. Cumq; persequerentur Ægyptij uestigia præcedentium,
repererunt eos in caſtris ſuper mare: omnis equitatus & currus Pharao-
nis, & vniuersus exercitus, erant in Phihahiroth contra Beeleſephon.*
*Cumq; appropinquasset Pharao, leuantes filii Israël oculos, viderunt Æ-
gyptios post ſe: & timuerunt valde: clamaueruntq; ad Dominum (non
eo, quo opporebat modo) & dixerunt ad Moysen: Forſitan non
erant sepulchra in Ægypto, ideò tulisti nos, vt moreremur in ſolitudine,
quid hoc facere voluisti, vt educeres nos ex Ægypto? Nonne iſte eſt
fermo, quem loquebamur ad te, in Ægypto, dicentes: Recede à nobis, vi-
ſeruiamus Ægyptijs? multò enim melius erat, ſeruire eis, quam moriri
ſolitudine? Ad quem planè modum, in angustias redacti multi Deo
parum fidentes, ſed humanis duntaxat consilijs & auxilijsappa-
rentibus nixi loquuntur. Cùm enim iſpi modum non vident eu-
dendi, neque Deo modum eſſe credunt. Itaque, re desperata, ma-
lè cum Deo contenti, quaſi ſe vindicaturi, ita fidem illi datam,
religionēmque omnem leponunt; ita fidem perfidis adhibent;
ita toties decepti decipi amplius volunt; immò ita virtuti hone-
ſtatisque aurum & arces ruituras anteponunt; ita ſcopus illis om-
nis eſt utile; ita, cum iratā Iunone, Acheronta mouere, quām
Superos flectere malunt. Quaſi non Deus fit verus auxiliator,
tempore pacis; aut, in ipſa bellī tempeſtate Dominus Exercituum,
& dator victoriarum; quo offendo, nemo unquam yicit; placato,
nemo vicitus eſt. Iſti ergo præpoſterè, vt vincant, Deum blaſphemant,
& contrapios, tanquam Israëlitæ contra Moysen, murmu-
rant,*

rants, qui pacem reducere, atque eos ex Ægyptiaca seruitute educere, & Pharaonica Tyrannide liberare voluerunt. Si quem enim Moysen nacti sunt, dicentem, *Ibi incipiunt auxilia diuina, ubi deficiunt humana, illico aiunt: Recede à nobis, ut seruiamus Ægyptijs.* Ad hos igitur tales ait Moyses: *Nolite timere: state & videte magna Domini, que facturus est hodie: Ægyptios enim, quos nunc videotis, nequaquam ultra videbitis, usq; in sempiternum. Dominus pugnabit pro vobis, & vos tacebitis.* Nouit Dominus ipsum mare diuide. re, nouit tollere montes, nouit submergere equos & quadrigas, & totos fluctibus exercitus sepelire. Nam etiā miraculis succurrit suis, quando necesse est. Nec prima vice id fit, quando Deus id facit. Quanquam is, ita est sapiens ac potens, vt etiam sine miraculis, extemplo possit omnia humana consilia disturbare, & inde, vnde minimè putatur, rebus desperatis remedium inuenire; modò nos, id eū posse crederemus. Nō est necesse miracula expectare; ad Deum recurramus; non est nostrū, vt pro Deo solliciti simus aut omnipotenti Domino modum præscribamus. Nostrum est, sperare, illius iuuare. Quantū nos ab illo recedimus, tantū & ille recedit à nobis.

Enimuerū sēpe aliunde querere solatia humana, fuit perdere diuina. Israēlitæ ijdem in Galgalis, & Campestribus Iericho fecerunt Phase, & comedērunt de frugib; terra die altero, azymos panes & polentam eiusdem anni. In eum usque diem Manna illis de cœlo cecidit: ast, vbi ad terram, & terrenos cibos, solatiāque conuersi sunt, licet sancto prætextu azymorum, quid factum est? Clārè aperit Scriptura inquiens: *Defecitq; manna, postquam comedērunt de frugib; præsēntis anni terræ Chanaan.* Deficiunt itaque cœlestia, vbi dominantur terrena; sicut vbi desinit auxilium terrenum, ibi cœlestē succurrit. Hoc experιuntur, qui, dum, agnita sua calamitate, dicere coguntur: *circumdederunt me dolores mortis: & tor- rentes iniquitatis conturbauerunt me,* etiam illud didicerunt pronunciare: *Dominus firmamentum meum, & refugium meum, & liberator meus, Deus meus adiutor meus: & sperabo in eum. In tribulacione mea inuocauī D̄minum, & ad Deum meum clamaui.* Sequitur enim: *Et exaudiuit de templo sancto suo vocem meam.* Darius Xerxis pater aiebat, se in pralijs & periculis euadere prudentiorem. Idem contin- git electis, cum in summa discrimina incurront, fiunt pruden- tiores; quando enim vident, actum esse de subsidio mortalium, non despondent animum, sed ad asylum maius confugiunt, cum

X.

Iosue. 5. 15.

Psal. 7. 15.

Ibid. 7. 1.

Plutarch. in

Apoponth.